

百名家詞鈔

名家詞鈔目錄

廬陵 聶先 晉人

纂定

長水 曾王孫 道扶

影樹樓詞

梁谿 陳大成 集生

菩薩蠻

五調

桃源憶故人

蝶戀花

臨江仙

摸魚兒

花心動

瓊瓏四犯

慶清朝慢

點絳脣

一剪梅

減字木蘭花

滿江紅

二調

採桑子

二調

過秦樓

賀新涼

五調

水龍吟

影樹樓詞

梁谿 陳大成 集生

菩薩蠻

少年相逐尋春去。春光只在花多處。白白與紅紅。唯消一夜風。莫嫌花落早。九十春須老。何況看花人。傷春復送春。

前調

入春連日醺醺醉。怕寒長是和衣睡。睡了便思他。殘燈照夢多。縱然留不得。猶勝空相憶。今夜一燈孤。

如何夢也無

前調

鳳帷香燼驚春睡。髻鬟狼籍。消殘翠脉脉。上粧樓。湘
簾控玉鈎。一條江上路。千疊雲中樹。薄倖幾時歸。
杏梁雙燕飛。

前調

越羅衾暖盤雙鳳。玉人和醉。淹香夢。日午乍梳頭。東
風轉翠樓。鬆鬟撩易亂。卷得珠簾半。花盡艸萋萋。
紫騮何處嘶。

前調

蓮塘過雨。花開遍。水亭長日張清宴。曾記有人同臉。
霞相向紅。今宵重聽雨。藕斷蓮心苦。盼得再花開。
那人來不來。

桃源憶故人 沽酒

日暮春寒湖上住。寂寞短篷誰語。岸上杏花開處。又
是廉纖雨。買魚沽酒向何所。人家隔在橫浦。拚取
今宵沉醉。無那愁無數。

蝶戀花 閨怨

寄○水○沉○香○暖○鴛○鴦○被○薄○倖○不○來○底○事○空○懽○悴○更○長○無○語○
和○衣○睡○枕○邊○多○少○天○涯○淚○長○亭○折○柳○關○心○地○細○雨○
孤○燈○此○際○君○須○記○鸞○牋○瑣○碎○相○思○字○梅○花○驛○使○何○曾○

臨江仙

一○兩○西○風○聲○簌○簌○漸○聽○響○徹○疎○林○天○涯○葉○葉○掃○輕○陰○
亂○鳥○栖○月○冷○孤○雁○暖○雲○深○薄○倖○自○從○鞭○馬○去○紅○牋○
沒○箇○回○音○花○前○懽○悴○到○如○今○幾○曾○開○寶○鏡○空○待○熨○羅○
衾○

摸魚兒 春恨

難消受。別離滋味。黃昏幾度風雨。怨春常怕春歸也。
生憎落花飛絮。勾人去。腸已斷。天涯芳草銷魂處。
倩誰留住。算只有。今宵梅花帳底。幽夢和它語。長亭
路。盼殺東風日暮。真箇都成耽誤。酒裏詩中多少事。
年少丟人不顧。君試覷。這幾日。花媽柳媚皆如土。橫
塘欲渡。見酒旗斜矗。綠楊烟裏極目是南浦。

花心動

江雨

黯黯長江望。楚江千里雲樹明滅。乍暖還寒欲晴又

雨杏子梨花時節日暮東風江色動浪花捲濤聲鳴咽孤舟客斷魂此際待向誰說酌酒奈歡情竭對黃昏靜悄愁懷欲絕暫掩篷窓頻吹壚火燈影下杜鵑花發曉漲新添寒食水憶人在江南惜別夢驚覺桺梢斜掛殘月

壚隴四犯 歸舟

衰草寒烟是去歲殘冬舊來時路轉眼三春多少亂紅飛絮憔悴青鬢潘郎燈下有誰共語待風風雨雨都過剛得賦重歸去夜燈還照停舟處朦朧裏兩

行江樹。沽酒渡頭楊柳岸。新月留能住。休論舊恨新。
愁任題起。都無頭緒。但側耳秋聲一片。夢破烟渚。

慶清朝慢 中秋

天上月圓。人間月半。浮生幾遍秋光。南樓舊時佳興。
勸酒持觴。長空如水。芙蓉清露。溼衣裳。雲屏外疎簾。
半卷桂子飄香。都來是天涯客。此宵羈思。儘百遍。
清狂。斟酌髮疑玉兔。語泣寒螿。半夜江城鐵笛。楊柳
岸殘月新涼。尋好夢。廣寒宮闕。強半荒唐。

點絳脣 桃花

紫陌紅塵。剛道是花開爛熳。武陵溪畔。又早春零亂。
薄倖劉郎。頓向玄都看。飄零半倚欄。長嘆人面。今年換。

一剪梅

迤邐山根帶浦沙。也有樵家。也有漁家。茆檐掩映竹
籬笆。一樹桃花。一樹梨花。細雨初收日又斜。那裏
飛鴉。那裏棲鴉。碧江偏是渺天涯。半被山遮。半被雲
遮。

減字木蘭花

樓前鵲喜爲報樓中人睡起。弱線慵拈。半面分明映
繡簾。驕驄恰過。賺得金鞭渾欲墮。萬里蓬山只在
紅牆咫尺間。

滿江紅

哭錢蓀翁中翰

雨雨風風。禁不住西州之慟。念當日湘靈才子。西清
侍從。意氣肯輸供奉李。風流豈讓悲秋宋。帶垂金。橫
束荔枝青。驂騑控。今古恨。詞人痛。生死淚。交情重。
憶扁舟相探。月明相送。飲罷青尊歌哭在。題殘紅燭
歡哀共。聽山陽一笛。黯銷魂。驚殘夢。

前調

人日和劉震修先生原韻

人日初晴。小池內泮冰微漲。喜靈辰韶光滿眼。髣髴
無恙。好把屠蘇傾盞內。漫將綠勝簪釵上。卧含章誰
點壽陽粧。梅花餉。垂堤柳。絲絲漾。擊壤曲。鳴鳴唱。
正春盤薦罷。再斟春釀。聞說白楊曾作柱。可知甘蔗
堪爲杖。試挑來茶薺當盤殮。窮愁狀。

採桑子

人日對酒

故園今日逢人日。短髮如蓬。酒飲千鍾。絕愛爲歡曹
景宗。題詩杜甫知成否。獨對春風。甘老墻東。暗擲

年華逝水中。

前調

過薛國符先生故居有感

醉來怕過西州路。燕子梁空。樹起悲風。依舊樓臺映水中。
玄亭一閉增惆悵。絮酒何從。知己惟公。頭白羊曇路已窮。

過秦樓

訪梅過讀書臺有感

一帶青松半灣綠水。此是誰家位置。拊膺惆悵。低首
沉吟。說甚平泉興替。想爲燕去梁空。總到春來一年
長閉。剩虬梅幾樹。有時和雨暗垂香淚。問昔日金

谷亭臺。藥欄花嶼。只有青山曾記。痛溪繡虎。腸斷西
州。我比羊曇憔悴。門對晴巒。杜鵑還似當年。怨紅啼
翠。記未園詩句。吟向暮鐘聲裏。

賀新涼

乙丑初度感懷和顧天石見贈原韻

短髮今無幾。笑陳郎生來薄相。鬚眉增愧。家有殘書
三四卷。此外蕭然而已。朱翁子負薪歲矣。天旣生余
貧賤老。問天公不語悲風起。兩犬子。差堪慰。河梁
惜別傳蘇李。記當年詞壇掉袂。相同數子。嘆息千金
誰買賦。痛飲羞稱名士。付富貴邯鄲夢裏。世事休誇。

夔一足看人情大似臧三耳。甘屠釣從今始。

前調 人口同友泛舟惠山看雪

來看龍山雪。喜東皇驚催淑景。九峰堆白。放艇攜尊
分韻坐。共對蓉湖空濶。况佳節。恰逢元七。吳女玉釵
簪綵勝。正含章殿裏飄香額。新詞就。南皮客。吳筠
况是人中傑。恨生平無多知己。怕言離別。一路松杉
迷暮靄。春水綠波澄碧。又何處。柁樓吹笛。溪岸梅花
猶開未。漫憑舷。又見冰花裂。搖雙槳。晚風急。

前調 祝何省齋先生六十用原韻

南欄先生者。曾供奉龍樓鳳閣。爐烟香灑。凌雲賦獻。
天顏喜。家有賜書名画。揮翰墨。詞傾峽瀉。記得秦淮
開高譙。酒千巡。細數平生話。青眼盼。長聲價。朝簪
抽却朝衣挂。漫徜徉。忘機海鳥。塞翁之馬。自嘆飄零
斷恩久。感激淚如波下。無由報瓊瑤。盈把來祝申生
岡陵壽。伴青山杖履同游射。誰載酒。侯芭也。

前調

上兩粵制府留村先生

夫子延陵者。記當日彈琴花縣。絲毫揮灑。二十年來
甘棠蔭。絲繡平原如画。知己感。淚同鉛瀉。一自徵書

天上至。送仙舟。說盡憐才話。愛士誼。真無價。黃金
鵲印。纍纍挂。擁貔貅。帳懸旂戟。門排駟馬。座滿王珣
郝超輩。猶惜枯桐爨下。待結草報恩盈把。蓮幕談兵
籌邊暇。鎮百蠻。三箭天山射。銘鐘鼎。功成也。

前調

追輓周櫟園司農用前韻

櫟下司農者。記從公飲醇雅量。千標瀟灑。一代龍門
千秋史。家有樓名讀画。高會日酒如波瀉。猶憶扁舟
來吳苑。醉名園絮盡興亡話。春宵短。千金價。國門
到處遺編挂。羨先生辭追屈宋。文齊班馬。况有新詩。

機軸出不肯寄人。籬下採香草。美人攜把一自騎箕。
歸天上。想音容炯炯。雙眸射。思舊賦。羊曇也。

水龍吟 奉答吳子元見贈原韻

自知白髮盈頭。誰憐披褐行吟者。延陵季子。論心廿載。齒芬增價。絲繡平原。情深膠漆。青衫汨洒。嘆元龍老矣。樓高百尺。豪氣盡。甘居下。學易數年。難假笑。它人望塵拜馬。松聲萬壑。溪流千嶂。讀書春夏。鳥語啁啁。白雲冉冉。付漁樵話。任年來高卧。北窓之上。幾皇人也。

曹秋岳溶曰集生詞多得力於迦陵烏絲間省齊

櫟園極嘆賞之。然其渾樸婉轉處。能真吐性靈。不事雕繪。擺脫韁鎖。妙絕古今。於蘇辛諸家。初無意於規仿。而究其所近。抑亦不讓南宋以上之名手也。

顧茂倫有孝曰。讀影樹樓詞。意致深遠。如皎月入

懷。明珠在握。

吳藺次綺曰。集生孝友性成。博綜羣籍。於友無有

不交。於書無所不讀。故發爲文詞。調高而情篤。

致遠而聲幽。真足鼓吹風雅。樹幟詞壇者也。

名家詞鈔目錄

廬陵 聶先 晉人

纂定

長水 曾王孫 道扶

改蟲齋詞

華亭 高層雲 設苑

畱客住 摸魚兒

齊天樂 瑣窓寒

百字令 瑤花

薄倖 臺城路

謁金門

夏初臨

山亭柳

邁被塘

一調

幕山溪

催雪

惜秋華

燕山亭

天香

水龍吟

漁家傲

淡黃柳

疎影

綺羅香

尉遲杯

南樓令

小重山

暗香

清平樂

夜行船

虞美人

青玉葉

尾犯

點絳脣

淒涼犯

鵲橋仙

好事近

過龍門

桂枝香

二調

眉嫵

洞仙歌

解連環

改蟲齋詞

華亭 高層雲 謾苑

畱客住

鷓鴣

嶺○雲○覆○徧○楚○江○蠻○風○變○雨○哀○音○斷○續○相○對○頻○啼○殘○畫○
扁○舟○旅○泊○何○處○聽○到○灘○黑○林○昏○人○倦○後○淒○涼○似○此○便○
聲○聲○行○得○也○能○行○否○還○搔○首○峽○響○空○舫○記○取○牽○船○

候○和○盡○青○猿○絕○壁○亂○雲○開○繡○隔○水○正○逢○遊○女○射○翠○歸○
來○影○湘○筠○倚○袖○愁○聞○不○了○更○雙○銜○木○葉○見○南○飛○又○

摸魚兒

蕙

憶西風晚烟吹徹。愛看紺玉千頃。釵莖鈿葉沉雲細。
涼浸一奩秋影。牽露梗。傍鴈齒紅橋斷處。維雙艇。瓊
酥滿甌。也應笑顚蘇。冰盤鱸膾。卯椀試槐飴。山園
好。池上幾回醉醒。筠筐碧脆誰並。只今苦被浮名絆。
付與閒鷗管領。還自省。真負却思鱸小卷。開三徑。歸
期重訂。向綠葦斜汀。點烹玉糝。越女素尖冷。

齊天樂

蟬

枕屏曉甯行雲夢。却早被伊催斷。苦調纔終。悽吟還
續。逋寫幾番幽怨。柳塘聽倦。忽竹院涼傳。數聲差緩。

曲奏迴風蕭蕭落葉玉階滿。愁聞最是旅客對西
村。幾樹頽照欹峴。響咽尤悲。音長轉。引起離情無
限。當年蜀棧和顚。畔啼鶯。鄉心曾亂。一片秋容。澹雲
凝望遠。

瑣窗寒

倭奩

蛾黛花凝。犀膠貝閃。冷光凝迸。烟繚半幅。粉本宣和
猶剩。穩霜禽一枝香雪。分明細寫江南影。伴碧牕岑
寂。試勾珠歷。傍他妍靚。漫省阿蘇迴。恁巧樣紋螺
踢青。堪並粘天浪。舸甚日輪來妝鏡。愛半簾斜月閒。

吟。小立竹間常自等。拂香奩倒暈描成淺顰。應轉勝

百字令

錫鬯武曾其年蒼水照舞三農集髯淵寓齋正月十五夜限韻

紫簫何處。倚春聲輕引半窓晴月。旅館清樽重話舊
夢憶故園風物。小檻移香疎簾寫影。零亂千枝雪六
街燈火。纖塵不上羅襪。頻歲客思無聊。寒蕪斜照
愁共雲山濶。珍重曲闌攜手好。既醉那辭深罰。湘管
吳箋重吟細把。水調翻新闋。花時仍訂。勝遊莫負雙
屨。

瑤花

雨中詠白丁香同蒼崑瑤湖

新妝澹抹。婉約冰姿。似飛瓊情絕。輕烟絲雨。扶不起。
緩彈翠鈿珠纈。含顰微睇。見鉛水熒熒雙頰。消幾番。
蝶使蜂媒。慘淡髣髴雲肌雪。朱闌一掬芳塵。悵洛浦。
波花飛濺。羅襪依稀倩影。應減盡纖弱。官腰裙褶。梨。
雲夢冷。怎禁得繡幃頻揭。想晚來無限風情。斜映半。
鈎新月。

薄倖

賦得流水桃花色

武陵漁艇。過幾許烟條露梗。試看取回塘添漲。色。
與花光映。更曉風吹縐晴漪。鱗鱗碧浪移。舡影縱玉。

賦難濡。粉香空射。祇惜鉛華清冷。好待小雨初收。
越印得啼妝妍靚。斜陽裏多少。沉沉春思。生憎輕薄。
嬌心性。把閒情並逐。行雲流轉。任雙燕欲疑還省。平
潮漠漠。飛去飛來薄暝。

臺城路

祖園

晚風淅綠原頭草。一抹平蕪烟冷。柳市才過。華源忽
接。駐馬小橋芳徑。方塘閒靚。向曲榭披襟。轉添幽興。
雲水相涵。野禽掠處動花影。陶尊須共引滿。况春
光有幾。算無多剩。良會難期。勝遊誰續。常自費人深

省。任。教。酩。酊。但。歲。歲。登。臨。依。然。漂。梗。今。夜。燈。前。又。那。
堪。酒。醒。

謁金門 桐軒花下

惜。愁。日。桐。葉。乍。抽。新。綠。白。蠶。青。絲。尋。杜。曲。勝。遊。今。再。
續。葉。底。粉。香。蝶。撲。枝。上。軟。紅。鶯。蹴。清。陰。妮。人。簾。半。
軸。微。聞。花。氣。馥。

夏初臨 送陳三農歸里

竹。嶼。連。吟。蘭。畦。駐。屐。客。愁。揔。未。全。醒。莎。軟。塵。黃。那。堪。
又。向。離。亭。殘。陽。影。帶。迴。汀。見。微。茫。野。水。初。生。低。橋。濃。

樹圓沙小驛。此度重經。分携最苦。烟暝花飛。杯闌
人遠。嬾殺啼鶯。東風無賴。單衫換處。寒輕。山月斜升。
桂林梢一片春冰。笑浮名。輪伊歸早。我尚漂萍。

山亭柳

讀周廣庵太史南浦詞

非霧非煙。鏤管拂雲牋。著意處。最堪憐。自解移宮換
羽。歌珠字字輕圓。爲道當家伎倆。忒煞精研。大晟
樂府名尤擅。人爭羨。待制當年。情纏綵語。纏綿。翻調
須教檀口。倚聲好倩冰絃。論萬種風情。誰似。有個屯

邁陂塘 題毛會侯垂竿圖

訝娥江綠採千頃。吳綃數尺誰譜。烟條故腕斜汀外。
半拂燕梢柔櫓。風欲度。挂三扇低蓬寫影眠鷗路。晚
來佳處。正野漲平橋。輕簑小笠。漠漠一谿雨。家長
洲。我亦烟波舊侶。投竿當日情緒。酒徒盡覓封侯矣。
漫向軟塵羈旅。商去住。越春水。桃花倚牒當沙渚。逢
君何許。但茶竈香籠釣筒詩卷。相對鏡中語。

前調 題方渭仁健松齋

深秋空雲綃黛影。冥冥簾卷初曙。苔衣碧甃濃陰轉。

枝上雙眠雪羽。釵幾股。露一抹。烟鬟遠岫。開亭午。曲
闌延竚。正翠蓋深籠。花幢淺墊。設設晚來雨。移栽
後。書拂古香曾著。劫灰猶記前度。疎柯秀鬣。渾無恙。
誰捉當年談麈。歸舊圃。但塵點。梨牀小閣。迷荒霧。華
清才賦對。禁柳吹綿。埤梧飄粉。愁隔富春路。

驀山溪

登莫莫樓

軟紅香土。十里臙脂膩。幾陣熟梅風。舞槐龍。一庭空
翠。智燈含影。雲壑小樓低。山蛾媚。花醲粹。絮滾香毬
碎。芳叢蝶暮。差喜鶯猶脆。碧簾麥涼生。捲寒烟粉。

飄輕穗棠梨開後春去已多時。人憔悴。心如醉望遠
愁空寄。

催雪 珍珠蘭

露曉移姿。風簾亞翠。郢曲譜來應別。倩蛾綠紋紗。輕
籠冶葉。誰染淺檀魚子。向碧縷。烟裙黏珠纈。尋香倦
也。素心含處。任逃秋蝶。幽絕。妝乍怯。正蟬翼半欹。
載來勾貼。更霧濕芳叢。擬趁涼月。試問湘娥。認否。縱
倚遍江花。何曾折。待時得。帳底清芬。憎被小鬟偷揭。

惜秋華 牽牛花

碧篠芳畦引輕絲纏裊亂鬟捎露影淡絳河微微嫩
來初曙翠綃荏苒隨風還倩把纓帶畱住開處有疎
蛩敗葉殘蟬荒樹黛色儘堪妬愛娟娟冷艷映冰
奩眉嫵歛倦花鈿悵絕柳陰當午停校閒對幽叢任
銷凝隔紗無語愁暮洗秋容最宜纖雨

燕山亭

七月十五夜次友武曾錫宅融谷單
九過寓亭看竹同賦

淨洗涼陰看第一番秋月蟾光初滿幽徑客來未了
閒情剩得歲華才半瘦竹捎風漾虛影簾旌低卷談
讌恰潤逼晴畦韭花堪剪回憶小築鷗池引疎翠

娟娟繡苔侵硯。還拼今夕。當是鄉園。須添冷香盈淺。
明日重尋。應不少軟塵吹面。遊倦。容易對舊時酒伴。

天香

龍涎香

濺沫珠輕。浮膏粉薄。迴波試挹凝乳。玉碾塵吹花磁。
冰滑纖手。任教研取。雀頭勻和銀葉小。乍生烟縵最。
是未馴。還裊微風。又穿簾去。梅陰鑑屏欲暮。斂雙
蛾。漫添情緒。疎曉春蘿。愁裏暗銷殘炷。試問清宵岑
寂。驚心字。絲絲斷魂處。數盡寒更。重聞細雨。

水龍吟

白蓮

涼風纔度銀塘。霓裳竝舞。驚鴻影。翠翹低擁。檀心微
露。冰姿越瑩。醉雨凝香。歛烟弄粉。澹妝妍靚。稱玉容
珠。歷移船。相近羅袖薄。霧鬟冷。試著冰簪斜映。卷
生綃。乍臨霜鏡。瓊簫甚處。鳳曆頻振。曲闌重凭。幾陣
輕颺。飄殘荇帶。可人風景。更雙雙。白鷺飛來。花下轉
添清取。

漁家傲

題画

樹杪溶溶雲縷細。半奩柔綠。縈沙尾。睂影歛風殘葉
底。潮平矣。數莖秋荻。疏烟倚。擬向吳根尋剩水。燕

梢○船○小○輕○於○紙○且○着○征○帆○圖○画○裏○歸○得○未○旅○愁○暗○數○
今○番○最○

淡黃柳 題画

層○湖○遠○碧○倒○浸○蒼○巖○溼○小○閣○圍○山○殘○照○入○一○片○疎○紅○
冷○翠○總○是○江○南○好○秋○色○弄○殘○墨○閒○窓○正○岑○寂○幾○回○
首○認○烟○驛○想○荒○池○月○淡○沙○鷗○拍○菰○影○蘋○香○舊○村○何○處○
今○夜○夢○輕○難○覓○

疎影 送牧仲視權虔州

蠻○烟○瘴○雨○半○炎○州○景○物○感○人○情○緒○桂○嶺○秋○風○梅○嶺○春○

風吹做暖寒時序。省郎標格清羸甚。須點檢鄭綿吳。
紵。望神京頻上孤臺。心共朔雲低度。歲晏那堪送
遠。見輕帘卷雪。短亭人去。柳帶斜陽影。澹平沙。數點
暝鴉飛處。嚴關戍罷。烟檣繞任泊。遍鶴汀。鳬渚。倚青
衫。水調新翻。彈作鳳槽鶯語。

綺羅香

沈融谷續娶新人善琴書

織句能工。好音偏早。依然林下風致。宕逸雲卿。清潤
丰標誰似。裁蜀素。試鬪新篇。鏤湘管。雙搖鏡底。撥鐙
書弟子。先傳簪家小陣。衛家字。晚簾微月。低照。翠

錦半拖琴髻。玉纖柔膩。璫擘泠泠想。楚明光堪擬。聽
幾點鶯語春山。又數聲雁飛寒水。掩犀帷猶辨清商。
任香殘翠被。

尉遲杯

題蕃錦詞次葆粉韻

詩人句。被詞人按入紅牙去。不須減字偷聲。自合天
然機杼。鼠鬚纔舉。便灑落魚箋烟一縷。愛搜殘插架
筠籤。腹笥任教採取。閒情況兼離緒。還吟向犀帷
燭影淡處。話擅碧溪襟題漢上。盡入楚蘭吳紵。笑片
玉尊前誰數。傍月底雙鸞修蕭譜。喚越舸並載琵琶娘。

一曲曉鶯春序

南樓令

冶葉漸辭柯。瀟湘應始波。倦遊人無奈秋何。爲憶楚
山曾放屐。回首處。白雲多。盤石墜迴坡。茅堂著澗
阿。引遙峰斜點青螺。霧掩竹扉春更寂。新月上。挂藤
蘿。

小重山

雲淨天垂素。練空遠山橫抹處。黛痕重。疎林酣葉露。
斜。楓秋容澹。偏愛一株紅。結屋瀼西東。此時誰共

語有吳儂。隔溪魚艇鏡奩中。沙鷗起波面晚來風。

暗香 題盛鶴江旗亭百截句

閑愁易感。映石林頽照。風巾微墊。鏤管醉哦。短袂支離酒痕染。柳纖涼烟。踈地露墻角青旗斜閃。憑雁紙香瀟麋丸語秀韻偏險。花暗。夜堂掩。見絳蠟乍消。翠蛾方歛。玉船滿泛。不記官壺漏頻點。圓月依然寫鏡。奈人隔碧巖蒼莢。知甚日歸去也。再逢賀監。

清平樂

秀屏千疊。瘦影粘寒鐺。曲磴細泉看似髮。冷浸一溪

雲葉。隴頭片片雲垂。越綿初換單衣。桑柘夕陽紅。
淡暝烟斜帶山屏。

夜行船

天際浮嵐眉淺疊。盤柔藍、冷光低接。落日扁舟穿波。
輕槳。任把殘霞頻撥。擬向荒亭移步屨。正機頭水。
清沙活。暝色纔添秋烟轉。澹愛聽一林疎葉。

虞美人

晚風過雨妝初靚。頰樹欹苔迳。更無人語到溪頭。惟
見落花鋪處一雙鷗。半灣淨綠沉雲細。只少扁舟。

繫山家日日小長年。但覺五釵松老漸無烟。

青玉案

飛泉斜界蒼崖注。又散作瀟瀟雨。危石籠烟懸瘦樹。
晚來還見亂藤荒蘚。一片秋山暮。水邊層閣迴廊
互。任長日凭欄處。試把菰村漁笛譜。颼風疎荻波紋
微動。屬玉雙飛去。

尾犯

和李武曾樂府後補題 笋

冷紅飛徧剪疎簾。早識去年雙燕。迴坡絲雨融泥潤。
訝犀尖先見。稀生自好。任留待成林便鬪。春烟不到。

閒庭暗添香徑都滿。曾話竹間僧院。雕菰小設。向晚正敲殘滑玉。微慘吳鹽脆。芬流椀。麥秀寒時。蒼苞卸粉乍拋還卷。想荒圃半。顰新梢橫斜。穿過窓眼。

點絳脣

立夏

綠遍芳郊。小窓昨夜春歸去。落花深處。夢斷聞鶯語。紫筍朱櫻。不分江南住。愁千縷。倚欄凝佇。怕見風前絮。

淒涼犯

不寐

秋聲都是窓前葉。何曾有夢堪記。銷魂旅客。重驚寒

診。恁般情味。渾如倦燕。又失却年時舊壘。算平生斷
梗孤蓬。漂泊這番最。街鼓初沉後。斷釵頽垣。幾經
心碎。蟲吟露冷。聽殷殷枕屏欲墜。帳掩燈昏。更那禁
隔牆愁痺。看深夜明河影側。曙還未。

鵲橋仙

柔藍淺抹。澹鶯重渲。拂拭宣和名紙。并刀不用剪吳
淞。看咫尺蒼茫遠勢。閑亭竹杪。扁舟柳外。暝色半
遮詩思。小村何處。問菰蘆正夢斷。秋蘋香起。

好事近 題畫與家澹人

疎樹帶村烟。絕壁過雲凝翠。竹外小亭堪倚。正烟濃
風細。近知簪筆塞垣東。名勝見應未。却倩好遊康
樂。寫江南煠意。

過龍門

黛抹遠峯輕。樹點鴉青。春湖泯泯晚風迎。沙嘴鷺飛
魚菴動。影顫迴汀。拚擬拄紅藤。一片丹屏。衝烟虛
艇擊空明。仄磴繡苔斜照裏。有箇茅亭。

桂枝香

集孫茂叔齋紫藤花下

春歸何處。遣不了。閑情幾番梅雨。落盡梨花燕子歸。

來無語。芳樹綠陰深幾許。柳烟濃滿天飛絮。髣髴纓頻
添。腰圍漸減。暗傷離緒。消長日還宜綠醕。况梓澤
花明。竹溪雲護。步障臨風。一曲紫簫催暮。虬枝柔蔓
霏香霧。映紅螺霞綃千縷。繡簾風細。瓊疏暈冷。落英
無數。

前調 蟹

霜楓換碧。正斜日橫塘。晚來潮急。水面無風。影顫筠
簾新識。乍看罍引雙螯。挂颺輕烟。數莖秋荻。分明似
畫。問誰堪擬。是黃荃筆。更向夜前灘霧黑。閃點點

疎燈微露簾隙。郭索寒沙錯認玉蟾光逼。朶頤莫爲
監州誤。最難拚繡匡鎔珀。蘋村月冷。而今只有夢邊
相憶。

眉嫵 酬李畊客

憶城南旅話。曲檻移春。冰萼透疎艷。燈暝香溫處。紅
螺小。衍波並點柔翰。碧筠半卷。聽鼻聲深夜重按。擁
吟鼻竟踏霜痕去。記離席猶煖。見說石城芸館。對
藕莊同調。簫譜修徧。素影湖光靜。繫柳根。莫愁歌纜
微緩。北垞夢遠。想霧鬟慵倚芳院。便擬學夫人。寫出

月鉤恨淺。

洞仙歌

酬龔蘅圃

西窓燭灺。自分明記得。共隱書囊話秋夕。指秣陵何處幾度相思。頻望遠。冉冉絮雲輕碧。此時桃葉渡。水約仍嚴。未許清歌傍江石。子夜動閑情。瘦足春鋤步虛影。偷拳一隻。恐驗取勾砂臂痕消。早褪了蜂黃。舊塗宮額。

解連環

篆拈銀葉。悵芳魂不返。絳帷空揭。經幾載霜冷離宮。

早翠繞園陵。漆燈雙設。一曲哀蟬。比薤露。淒音更切。
縱粉黛三千。迴眸微睇。怎禁愁絕。斜陽繡楹。通接。
儘華貂。管領錦圍。星列排小隊。踏遍平沙。勝書記從。
軍。短衣褰鐵。塵麴縈絲。惜過了禁烟時節。最銷凝。幕。
卷青油。昨宵圓月。

曹秋岳

溶

曰晤園次於蜀岡之下。因言改蟲齋詞。

逼似竹垞葆粉一路。閱之乃上凌夢窓白石。有非竹垞諸公可以盡其長也。

周應垂

綸

曰。謾園詞力開蠶叢。殊有五丁鑿道之

身。

高瞻遊

簡

曰家謾苑詞。思寧刻而毋腹。句寧琢而

毋平。立意清真。字句隱秀。真所謂憂憂乎陳言之務去者。

曹升六

貞吉

曰。秀冶之氣。溢于眉宇。又曰。輕描淡

寫宛轉傳神真繪月繪風之手。

各家詞鈔目錄

廬陵 聶先 晉人

纂定

長水 曾王孫 道扶

鳳車詞

山陰 吳棠禎 伯穗

子夜歌

風流子 二調

陌上花

西子粧

減字木蘭花

生查子

戚氏

三臺

鶯啼序

哨遍

夜合花

驀山溪

十月桃

遙天奉翠華引

竹香子

四犯剪梅花

芰荷香

憶瑤姬

垂楊

澡蘭香

三姝媚

伊州三臺

西江月

穆護砂

情久長

喜遷鶯

臨江仙

南浦

慶宮春

鷓鴣天

齊天樂

一萼紅

念奴嬌

長亭怨

菩薩蠻

踏莎行

滿江紅

玉京謠

東風第一枝

大有

多麗

望海潮

春雪怨

踏青遊

憶王孫

意難忘

五綵結同心

解語花

百宜嬌

綵鸞歸令

轆轤金井

粉蝶兒慢

蕊珠閒

瀟湘夜雨

天香

月當聽

江西月慢

望雲涯引

浪淘沙

賀新郎

過秦樓

夜半樂

長相思

玉女迎春慢

惜黃花慢

洞庭春色

摸魚兒

歸朝歎

八歸

漢宮春

二郎神

滿庭芳

白苧

掃花遊

一枝春

永遇樂

竹馬子

憶舊遊

向湖邊

雙瑞蓮

陽春

惜黃花

紅羅襖

玉抱肚

解珮環

玲瓏玉

紫玉簫

越溪春

玉蝴蝶

以下選次香詞

南歌子

二調

憶王孫

甘州子

天仙子

思帝鄉

長相思

蝴蝶兒

浣溪沙

三調

點絳脣

占春芳

相思引

洛陽春

海棠春

山花子

四調

河瀆神

柳梢春

醉花陰

二調

減字南鄉子

浪淘沙

鷓鴣天

二調

虞美人

鵲橋仙

四調

繫裙腰

踏莎行

小重山

二調

兩同心

月上海棠

小桃紅

二調

傳言玉女

鳳凰臺上憶吹簫

滿庭芳

念奴嬌

齊天樂

拜星月慢

眉嫵

十二時

多麗

玉女搖仙佩

鶯啼序

鳳車詞

山陰 吳棠禎 伯璉

子夜歌

十四夜觀燈

客○衣○中○酒○痕○半○溼○。又○入○賞○燈○春○席○。喚○城○外○鈴○羊○雙○峽○。
捧○出○嫩○蟾○紅○色○。銀○藕○射○光○。金○芝○剪○影○。香○炬○花○新○坼○。訝○
高○低○泥○濺○青○熒○。誰○把○玉○華○萬○片○。掛○來○空○碧○。繞○瑤○砌○
繁○星○亂○滾○。新製滾地
毯燈最佳銅○鼓○千○聲○敲○擊○。火○鳳○烟○篩○燭○龍○
日○簸○勝○事○娛○今○夕○。料○家○園○定○有○人○人○。含○淚○相○憶○約○柳○
情○懷○。落○梅○歌○曲○。悔○作○端○溪○客○。願○三○更○夢○裏○歸○舟○。大○江○

小名東蘭
帆直

風流子

雨中春望

鄉心消不盡。輕烟裏。繫在落梅風。奈賓雁未歸。鰲魚
難寄。夢傳天外。春凍樓中。碧窗啓。雨鳴三四點。花亞
萬千重。山接廣州斷。青分石。水來交趾。涇翠浮空。
崧臺神仙宅。藤蘿密深洞。一片迷濛。枉號鷓鴣詞客。
怎紀避踪。但燈床地。墜自開硯匣。酒天人醉。共闌詩
筒。願逐粉衣蝴蝶。飛入龍葱。

前調

書嶺南事寄家弟孝卓

炎州風土異。敲銅鼓春社。送雷車。更青石礪雲嶂。名
龍母。綠泉分鏡井。號魚爺。最堪美酒藏。椰子肉。香焙
木蘭花。蠻女殢郎。盃酒蠶蠱。獐人呼婦。樹覓棉蛇。
瓊州檳榔好。蠣灰同嚼後。絳雪侵牙。五月拾將紅豆。
來換丹砂。嘆珠娘食性。愛食龜甲。箭筈衣製。不購鮫
紗。羞問紡場歌曲。一帶人家。

陌上花

春閨

紅窗一角斜陽。新做嫩寒時候。小小梅花。爭學玉渦
香瘦。知心侍女移燈到。照見淚痕雙袖。料孤眠已慣。

任憑閒了半衾鴛繡。想歡情似夢。金釵拔下。暗爲
粉郎沾酒。片霎難逢。何況十年相守。別時多少丁寧
意。但問長亭楊柳。恨鸚哥舌巧。知儂絮語。有書來否。

西子粧

憶亡室

鏡魄啼鸞。琴絲別鳳。枉盼遠山眉嫵。客床半枕。月朧
明。久不來夢中相覷。當年細語。可能勾他生歡聚。最
愁人。珊珊玉骨。驚寒黃土。泉臺路。斜得幽魂憶我。
花間句。桁邊留下。越羅衣。尚時飄暗香。成霧。雙雙穉
女。總忍淚水。泉頻注。剪柔腸。柳外三更杜宇。

減字木蘭花 夜坐

燭盤光定，壁上画人清瘦影。雨過山城濕盡穿簾玉。
漏聲餘寒側側，舊事何堪重記憶。榆筴楊花紅板
橋頭醉酒家。

生查子

簾藏辟暑珠。庭剪迎涼草。絡緯約芙蓉。共說秋風早。
燈因窺帳明。香代留歡裊。來日守官砂。酥臂紅多
少。

戚氏 閣上有感

恨扁舟。昔日橋畔載離愁。錦荔丹蕉。數年長把客衣
留。羅浮未曾游。仙鬟月底落花羞。惟多瘴霧蠻雨鎖
却清夢在端州。記室心。因參軍才短。戟門節序悠悠。
媿旁人錯比。徐孺懸榻。王粲登樓。高閣鎮日凝眸。
銅鼓錦石。翠色撲天浮。清江上一村漁戶。艇趁沙鷗。
木棉裘。近日始卸。金蛾玉繭。上巳風柔。逐鶯柳絮。殢
蝶梨花。美景偏觸繁憂。故國亭臺好。真珠半捲。隱
約梳頭。屈指紅燈送別。早麝衾冷。却小香氈。况兼鸚
鵡空吟。鷓鴣枉賦。難覓青絲綬。便匣中神劍芙蓉瘦。

眞可嘆虛擬才流。惜鏡中兩鬢先秋。子規到夜夜勸
歸休。正銷魂處。斜陽紫翠。影弄簾鉤。

三臺 上巳

恰榆錢嬌逐。煖霧柳棉弱。欺涼雨帶小。雛纖嘴溜鶯
聲。喚新燕泥巢。停乳。逢佳景。暗約攜朋去。奈短髮絲
絲愁緒。忽到了三月初三。正脩禊洛川時序。但紅
欄凭遍十二。青陽數來百五。想水邊。捧劍出金人。盪
舟客清游何處。知紅藥幾朶瓊綃吐。伴蕙甲濃香薰
步。把今日挑菜尋花。總輸却綠鬟游女。自長羈梅

嶺蠟屐。未隨蘭亭詩侶。且捲簾。醉眼望珠江。也。筭。做。
流觴。一度。尋芳緊。春事還遲悞。况因循。俱爲塵土問。
誰肯同訴歸心。鎖雕籠。雪衣鸚鵡。

鶯啼序

春閨

風。魂。愛。驚。好。夢。斷。鴛。鴦。偶。社。起。珊。榻。倦。倩。人。扶。鞦。韆。
羞。戲。紅。架。惱。鶯。去。招。來。乳。燕。爭。春。亂。蹴。梨。花。謝。問。因。
何。雙。睫。冰。珠。茜。欺。鮫。帕。半。枕。三。年。一。別。萬。里。恨。蠻。
天。繫。馬。繡。門。鑰。月。黑。呼。燈。空。房。贏得。心。怕。索。江。濤。魚。
怪。錦。字。望。夫。石。定。和。愁。化。莫。生。生。蹙。瘦。眉。山。使。伊。難。

画低鬟暗記。輒笑相迎。在櫻桃閣下。怎忘却箏邊。
移酒。粉甲纖擎。燭底催眠。玉蟾高掛。梅酸細語。蘭香
嬌喘。星娥知鑒。金鈿誓總埋冤。別後都干罷教誰去。
訊檀奴。客邸黃昏。可聞小口輕罵。雖嗔薄倖。轉憶
溫存。合海棠早嫁。想錯怪盟同烏賊。棄等青奴。盼到
歸帆。密歡重話。琴絲雀友。鏡規鸞侶。憐儂長勸愁緒。
歇奈相思。不把腸寬。假還憂。今夜天寒。閉了紗窓。雨
聲又打。

哨遍

送家將軍子元還梁溪

蒲綠虎鬚花絳馬纓。五月薰風起。搖酒蕊榴入杯光。
裏醉魂中別絃響。膩帆影曳。火霞漠陽江水。吾家都
護長髯紫。况庾信偉軀。鄭玄大腹。玉妃暗授兵機曾。
戈船壓日海門飛。任萬褶龍濤濺牙旂。揚僕揮軍田
橫棄島鐵圍開矣。噫。朱鷺歌時。赤松相約卸朝衣。
卜築江南穩鶯花蝦菜相宜。早澗覓春申。城游泰伯。
茶鐺小社松烟底。有墨客追隨。箏奴侍從。句成譜入
歌史。自去年爲訪羊仙至。又還向崧臺采雲髓。見賣
珠蜃姑猗子。纔將玳瑁雕管。細補炎州記。客枕驚心。

鄉燈就夢，便謝美人花里。輕紅倘愛擘離支，再來餐
錦山香味。

夜合花

得內子書

札惱魚遲，牋驚燕吝，愁絲織滿交州。敲香夢冷，分明
飛入粧樓。心欲語，淚頻流。醒癡魂，風曳簾鉤。誰人禁
得啼鴉月苦，窺鼠燈幽。紅鵝小字親脩，怪底無多
問訊，怎罄離房。櫳屈指，誤他細筭歸舟。梨花雪，柳
花毬。怨王孫，因甚淹留。何時返櫂，好吹鳳曲，還典鸛
裘。

驀山溪

送友還山陰

嶺南春好，不信思歸去。一扇小蒲帆，苦央及留人少。
駐飛花惡劣，催返舊山庄。西子石，越王城，到我栖香處。
誰憐久客，反對枕椰樹。別酒帶愁斟，怕杯上沾將淚雨。
故園櫻筍，相待繫蘭橈。吳水濶，楚雲低，卽是來時路。

十月桃

喜金子闇將至端州

交邕羈旅，只焚香公事，浴硯生涯。料得不教歸去，誰敢思來。
懷人寸心千里，難禁却夢裏蒹葭。秔候此際。

知入梅關，濁酒頻賒。倩東風飛送征槎。好同坐榕
陰，共翦蕉花。想像髯翁爲余翹首，烟霞羅浮早呼鳳
子。憑作賦，醉墨欹斜。但愁握手。月白燈青，客思翻加。

遙天奉翠華引

月中凭闌有故鄉之感

月搖江底山，覺臨城傑閣生寒。家鄉萬里，愁多不敢
凭闌。參差烟樹影，逼倦游人帶淚花看。峽嘴沙腰，停
桡却是三年。烹砂石屋，料此時丹竈已殘。總然半
帆歸去，羞見雲關。况復漁舫上，掛綠簑，辜負釣絲灘。
漏鼓無心，聽來特地催眠。

竹香子 艷情

悔殺門兒不掩。又被那人輕閃。猛拚細細咒伊行。不
覺回雙臉。嗔他漏聲三點。合早歸。悄呼夢魘。明朝
倘是揭湘簾。切莫驚奴小膽。

四犯剪梅花

月夜微風搖壁間花影。倣劉改之體。

翠金浮空。嘆冰蟾瀉出半梳清影。解連環。上下迷濛。

漾琉璃一燈。醉蓮萊。追涼小徑。粉垣裏。亂花交映。雪

獅兒

蝶粉難粘。鵲巢怎掛。斜斜整整。

解連環

知應

是。邊。窗。画。稿。被。星。娥。借。取。墨。痕。嬌。靚。

解連環

更喜風

魂○恰○搖○來○難○定○醉蓬萊雪○臺○露○井○甚○依○舊○醉○紅○千○柄○
雪○獅○兒○纔惹衣○梢○還○侵○帽○側○暗○中○香○凝○醉蓬萊

芰荷香

得張長威書

忽○三○年○滯○呪○桃○撞○土○飲○木○蠻○天○若○言○知○已○佛○桑○半○朶○
相○憐○幽○窗○病○酒○更○硯○山○相○對○高○眠○懷○故○里○心○在○誰○邊○
綠○槐○軒○下○白○石○樓○前○萬○里○難○通○問○訊○肯○紅○鵝○細○掃○
黃○犬○遙○傳○四○愁○平○子○桂○林○吟○入○新○篇○置○書○懷○袖○好○展○
來○日○夜○頻○看○虧○得○幾○句○纏○綿○呼○將○客○夢○勒○上○歸○船○

憶瑤姬

歡子

客邸愁絲。有一半沾將杏襖梅釧。橋痕壓水。樓影近
花。春信曾遞香邊。歡逢不捲簾衣。按却驚心小榻眠。
問爲何雙眼都迷。撲人無奈水沉烟。佩珠記別多年。
禁住相思。斷腸還學啼猿。今生真薄命。美盼難消。
安得靠煖柔肩。待屢寄書歸。恐把魚囊挹淚泉。但望
他蓮襪鈎雲。早入巫夢天。

垂楊

咏柳和萬鵲洲

初香杏粥。見一堤線影。蘸成烟綠。去約桃花。盡心點
綴春光。足憑誰斜繫雕鞍熟。賺凝睇紅樓嬌目。更昏

昏只愛三眠帶。鶯同宿。橫笛休吹古竹。恐半掬
瘦腰。暗驚哀曲。藕葉寒塘。回舫難認黃金屋。何妨軟
把東風逐。放輕絮。天飛鬆玉。長教鏡裏眉山青一簇。

澡蘭香

題仇十洲楊妃出浴圖卷

冰綃繪玉。黛筆摹香。鏡偷太真花照。湯烹豈蔻露盟
薔薇體滑。水痕粘少。訝蘭盆因甚流紅。知滌凝珠汗
了。拭後羅巾。氣息如薰龍腦。簇蝶金泥帶繫。半着
魚衫。海棠新裊。柔魂不賸。細喘難支。髻嬾溜將犀導
出華清。怪殺人扶似欠。三郎緩抱。倘說與荔子新來。

橫眸一笑

三姝媚

聞閨人有不食荔枝者戲賦一闕

蠻天嘉實少。但紅香離支。可供清飽。料得珠娘定。裹
九絨舌。剖衣冰爪。只怕無多。頻惹却梨花微惱。那識
閨中。黑葉青囊。暗喚擎到。聞說泉甘堪笑。怎液比
生梅味。追酸棗。想是前身。記玉環嘗厭。驛塵飛早。或
試仙人。留待筭盤藏纔巧。又恐左車新病。餐時痛了。

伊州三臺

春曉

曉鶯催倦珠簾。一枕櫻桃夢酣。驚起玉纖纖。鏡臺生

小菱半面。杏花開老江南。不見歸人片帆。香淚糝
羅衫。染輕紅。藕絲繡尖。

西江月

艷情

紅板橋頭鏡閣。赤欄堤內香寮。柳絲斜拂狔羈馬。見
簾隙。暗相招。病眼睺來去。歲酸心。盼到今宵。淚珠
彈出窗前樹。莫疑他。綻櫻桃。

穆護砂

送何夏九明府歸山陰

青草黃茆瘴。受三年銅鼓峰上。又逢他寒食。木棉紅
放。鴨綠泔舸新漲。喜十扇蒲帆停小舫。握手處故人

無恙問越郡鶯花蝦菜。道去歲早辭秦望。作客星沙。

尋人石寨。

自長沙訪令叔至梧州

絲絲髮影蘸吳霜。尚鴛鴦賦。

格鵬鳩詞筆。芳杜發幽響。

所製詞二百餘闕名芳杜集

意氣昔

時豪放到雙山。亂松濤漾。有阮家賢叔。

謂子將

陳家難

弟。醉眠月波一幌。嘆老大依人心。骭髒。悄沒個舊交。

相訪。愛共酌猿兒新釀。愁便買蜚子輕航。榆莢飄烟。

絮毬滾雪。春風替我餞仙郎。再丁寧。么鳳桐花。低聲。

留画槎。

情久長

碧霞洞

碧霞古洞何年巧鑿雲根迸。喜夏日練痕新漲。冰鏡
搖動。小舳初買得。絳茵菖香氣隨堤暗送。澗戶宵寒
來訝雪。霧起如烟。疑四面天無縫。沙嘴鴛鴦啄破
玻璃凍。仰首看石帷深掛。泉簾高擁。正逢半醉。怪鉞
笛波底吹梅一弄。記春色鞭催寶馬。遠踏虹梁。重續
却游仙夢。

喜遷鶯

送翁將軍歸梁溪

麟袍螭帶。記十萬水犀。帆橫天外。魚蹴江雲。龍吟海
月。火箭射燒蓮。鎧殿中紫泥飛到。一隊嫖姚齊拜。甚

豪健喜欲懸金印。先歸芝蓋。江介浮翠靄。料得故園。留取鶯聲在。泰伯高城春申幽澗。騎馬踏花紅礫。繡閣玉人相見。補畫數年眉黛。定細覷擁碧油幢下。將軍雄槩。

臨江仙

粵臺春望

獨到粵王臺上立。春風萬里蠻天。晴山飛翠滴窗前。樹文搖海日。帆影破江烟。莫問伏波銅柱績。黃濤亂打樓船。鷓鴣聲裏客經年。蕙香遮去屐。桺絮隔歸鞭。

南浦 送人還吳門

梅雨匝天來。細濛濛添作吳江飛練帆。送蜚船開。鈴
羊峽高掛離愁千片。一萍忽聚。聯床夜共燈花剪。都
護聲中。蓮幕裊綠霧水沉官篆。秋風重到崧臺。約
同飲柳漿。還餐枕麪。且返錦香涇。堪銷夏尋取西施
歌串。憐君去後。客窗獨洗鴛鴦硯。老矣參軍。相送處
淚蘸蕉衣紅茜。

慶宮春

夏日息機齋坐雨

屋小分天。窗虛受霧。一痕客夢清幽。花尾紅多。香心

綠。裊。曉。涼。潤。逼。衣。篝。亂。風。敲。響。訝。細。雨。飛。來。半。樓。撲。
晴。蝶。粉。帶。溼。蛛。絲。避。到。簾。鈎。如。今。學。得。消。愁。浴。硯。
烹。茶。筭。做。風。流。鐵。騎。穿。雲。金。笳。驅。月。任。他。年。少。封。侯。
故。鄉。歸。去。正。好。泛。輕。絲。釣。舟。倚。闌。凝。眺。山。色。迷。濛。數。
點。青。浮。

鷓鴣天

雨晴觀返照

花。影。窺。人。書。幔。中。吹。開。雨。氣。謝。西。風。山。晴。雲。放。千。眉。
綠。江。意。霞。拖。一。面。紅。蘭。茗。熟。蕙。爐。融。近。來。滋。味。睡。
鄉。濃。歸。鴉。不。肯。將。心。事。寄。到。珠。樓。十。二。重。

齊天樂 晚霞

天拖一抹斜陽影。殘痕倒籠雲氣。覆樹分青。圍花蛻
白。染出萬綃紅紫。晴霓弄藥。算難比餘光。暗中迴避。
飛掠山屏。紺翹偷插翠螺髻。憐余仙洞舊客。記踏
時纖軟。餐處甘美。竹外歸鴉。蘋邊倦鷺。驚見半空丹
翳。澄江散綺。問帶月扁舟。亂帆收未。可接天台。赤城
千丈裏。

一萼紅 望七星巖有感

俯層樓。見牂牁烟浪。日夜大江流。樹掛吟心。花懸醉

目。消瘦何啻鄉愁。倦疎幌。星巖回睇。愛芙蓉。千朵插
天浮。洞窗藤遮。磴深松老。肯讓丹丘。曾拾玉屏紅
豆。料仙幢影裏。展印還留。海鶴來招。嶺猿相憶。未審
能得重游。最負我。梅村清夢。飛不到。香練瀝湖頭。怎
向山陰借却。藕艸菱舟。

念奴嬌

友人書至多有嘲余納妾者賦此解之

旅床游枕。每黃鳩喚睡。紅蝠催眠。明滅疎燈。圍瘦影。
消磨粉地。香天但夢梅花。未迎桃葉。心在阿誰邊。客
嘲賓戲。枉勞書渴松烟。追悔芍藥西灣。枇杷南弄。

錦瑟醉當年。小杜風流。今打疊。鬢絲輕颺。茶烟綠。倘邀珠碧如尋玉。先賦定情篇。還思簾罅。學君嬌擁梅鈿。

長亭怨

讀張玉田有懷故居詞

記門外撲鶯桺絮。趁燕梨花。小橋清絕。況有書樓。亂山堆裏帶新月。五年爲客。頻屈指。家鄉久別。蜚塢簑村。多瘴癘。風情都歇。凝咽。借香巾。搵淚。還是那時。雙結。淒涼寄旅。對若個篝燈同說。總寒儒貧似秋林。想剩有半磯紅葉。算歸去停舟。正值菊天萸節。

菩薩蠻

賦得春江花月夜

天涵一幅蒲桃影。鵝黃柳色遮烟艇。何處暗香浮。落
紅波面流。練光搖煖雪。偷得穿雲月。還照未歸人。
梅花夢裏身。

踏莎行

采蓮曲

榴奪朱霞梅肥黃雨。杜鵑故意催新暑。未知何事可
消閒。不如還采芙蓉去。欲上西洲。且尋南浦。画橋
影裏搖柔櫓。忽聞風引洞簫聲。是誰先入橫塘路。

滿江紅

野廟祀金花娘子

嶺表叢祠。千章匝。相思樹。蠹逢春。賽靈旂。社鼓歌成。
蠻曲。螺盃香堆。枕麴白。蝦。厄。影。綳。柳。漿。綠。見。一。群。紅。
展女郎來爭雞卜。誌怪集。今時續。搜神記。當年讀。
嘆荆雲。楚雨荒唐。宋玉三妹祠中。仙鼠墮。十姨廟口。
神鴉哭問誰如玉。節引珠龕。燒高燭。

玉京謠

紀夢

莫打鶯兒去。好喚孤眠冷夢和愁醒。怎禁癡魂偏遊。
三曲芳徑。粉面去。柳絮珠簾。回牒響。梨花金井。風流
影。雙雙送入。鴛鴦紅鏡。歡濃始覺驚心定。殢柔奴。

叫小名不應。蕙炷初溫。腮窩珊枕相並。訴酒邊前約。多拋想。月底後期空訂。鮫珠迸衣上。覺來香凝。

東風第一枝

甲子元日

天漏雲心。風穿雨脚。交州又遇元日。小桃砑盡嫣紅。嫩楊剪成輕碧。征南幕府。可賒得。故園春色。想鑑湖倒影。朱樓水底。玉梅新坼。記去歲客愁未釋。從昨夜旅懷更逼。酒杯雙眼留青。鏡奩二毛任白。珠厓銅柱。怎憑弔。伏波功績。但捲簾輕撥。爐灰試取煮香砂。

隔。

大有

送家止柔歸里

棄硯洲雲沉香浦月。盡釀成心上愁緒。問春風如何
未得歸去。客中送客。渾無奈。淚暗化。桺榔疎雨。但喚
軟滑鶯聲。好把布帆留住。雄才舊叅幕府。據玉馬
霜蹄。踏殘蠻土。解綬多時。懶到桂林官署。試料故園
花鳥。儘相憶。酒賓琴侶。莫忘了。拔劍朝吟。燒燈夜語。

多麗

春遊

酒旗風。催人早繫青驄。忽飄來。半身香霧。祇因花糝
衣中。舊啼鶯。歌穿樹遠。新飛燕。泥補巢空。草閣江圍。

柳塘峰抱石。牆缺處。見蕉紅。挈樽榼。誰家上塚。蠻婦
臉霞濃。那能學。画裙蛺蝶。隨過牆東。想吾廬。門臨

溪曲。一床翠滴長松。近風爐。掃開雲貌。移水碓。剪破

烟容。惜別桐君。頻懷梅女。敲殘客夢。惱疎鐘。在翹首

六千鄉路。山影接晴空。思歸櫂。癡心去問。隔岸漁翁。

望海潮

八日送家大司馬巡海

雲流珠海。天圍銅柱。炎州節鉞儒臣。金鵲織衣。玉魚

入珮。曾勞去歲朱輪。粉荔乍迎春。見画旗再列。牙節

重巡。天上星輶。共窺波裏問鮫人。

時有二巡海使者偕行

梅

花綻雨香新。護摩崖古字。勒石雄文。去年多詩文布

穀。蜚。娘。包。鹽。馬。戶。不。須。細。繪。流。民。先。後。回。麒。麟。是。一

門。樞。府。丹。券。功。勳。先高祖環洲公由蘄自魏經生碧

山。溪。處。閉。柴。門。

春雲怨 春雨

寒生院宇。惱翠鳩聲急。催將晴去做。就半陰時節。幾

陣暗風和細雨。響瀉簷牙。絲粘牆角。隔斷青山似籠

霧。驚怕侵衣。蝶愁消粉。白日隱何處。爐烟費盡盤

雲縷。尚棋奩鏡匣。潮痕頻注。遙憶家園。画橋路也定

纖纖勒損飛花。壓殘輕絮。可是交州。積成孤悶。試問旅人慣否。

踏青游 寒食

日氣催晴。他鄉又逢寒食。掛罨畫垂楊。烟碧如啼鶯。和乳燕先游南陌。問一帶。嫣紅杏花何處。誰知暗拈雙屐。酒釀觴香。依稀故園春色。但不見。踏青鞋窄。錦山中。梧水上。閒愁無極。想鏡曲東風。半船簫鼓也。吟嶺南消息。

憶王孫 春夜有懷

半梳月到杏花門。細膩脂香久未聞。何日重游西子
村。恰燈昏。影瘦知消前日魂。

意難忘

隔簾聞屣聲

簾隔佳人似梨花。遮霧杏子籠雲。模糊擡面壓約略。
露腰身。垂綠釧。繫紅巾。怪看處難真。却喜他珊珊雅
步。回屣微聞。懸知瘦月雙分。儘蓮香亂蹴。曾未留
痕。聲幽移嫩玉。音細貼輕塵。誰得見。褪些跟。美蛺蝶
湘裙。賦未成。鸞靴鴉鞵。早已消魂。

五綵結同心

送家俊千之粵西

女都蠻俗。蛇箭荒村。緇文綬帶。曾懸橄欖花開處。又
從軍將上。橫海樓船。爲伊行慣。徭獐路。問。嵯。稅。雪。竈。
冰。田。想。藤。峽。還。迎。画。旆。柳。城。再。認。金。鞭。嘆。余。久。居。
南。粵。待。綠。珠。井。甃。一。訪。雲。鈿。江。隔。排。馱。關。遮。羅。博。空。
憶。鉗。鉞。香。泉。近。來。雖。得。輕。身。訣。敢。再。求。薏。苡。文。淵。也。
合。避。瘴。來。似。墨。布。帆。早。掛。歸。船。

解語花

避暑

紅冰剥荔。紺雪堆瓜。香鎖芙蓉院。火雲萬疊。圍天幄。
粉箴細風。虛扇移床。別館喜山瀑。亂珠交濺。披葛衣。

去聽梧音。簾額斜窗捲。日影穿林一線有。冷青寒翠。爭撲書卷。納涼記得耶溪上。船繫柳陰花岸。雙鬟半面。坐妝閣。遙聞歌串。思夜來雨弄烟村。明滅螢干點。

百宜嬌

冬夜讀家子元江行詞

戍鼓敲愁。客衾催夢。寒釀雪衣初積。火冷薰爐。香殘藥碓。慶影和燈都碧。酸風半剪。怎去訪梅花消息。但虧他蘭畹新編。小窗來破岑寂。驚萬里山容水色。十漾錦江箋。生生留得。綠鳳啼雲。紅鸚絮月。樓外低

迷吹笛歡娛未盡忽轉出么絃淒惻好教雙鬟細裊
冰喉在芙蓉席

綵鸞歸令

憶舊

近水妝樓影浸香波膩不流當年簾箔小窗幽看梳
頭別時粉淚零星滴夢處弓鞋約略堦最難忘是
送登舟避人羞

轆轤金井

閨情

淚波洗面自春歸便沒織綃珠墮月地雲廊任苔衣
長鎖紅絲蕙火伴瘦影玉床同坐怪殺鄰娘隔牆絮

問。吟。花。工。課。書。傳。驛。梅。半。朶。道。清。江。即。買。風。漿。烟。
舵。蓮。葉。田。田。又。何。曾。停。舸。知。應。記。我。小。窓。畔。回。衣。香。
唾。慣。得。銷。魂。不。愁。抱。病。由。他。孤。臥。

粉蝶兒慢

樊川譜傳奇編成喜萬鵲州爲余
改訂賦此奉謝

嫁。蠱。蠻。村。迎。虵。蜃。俗。更。飼。鸚。哥。藏。瘴。久。栖。幕。府。厭。紅。
毛。新。釀。底。事。祛。愁。呼。雪。兒。一。曲。檀。侯。低。唱。戲。翻。新。譜。
寫。來。杜。牧。參。軍。豪。蕩。自。況。癡。情。蠢。狀。媿。何。曾。協。律。
難。供。清。賞。喜。經。刪。抹。便。有。霞。思。天。想。茗。子。嬌。鬟。和。紫。
雲。彷彿。笑。啼。筵。上。謝。仙。翁。筆。花。多。借。人。開。放。

菰珠閒

金雪驚攜胡韋若何珥公見懷詩至

驚帆風。蠓山雨。漲海支吾。羈客問因何。故人疎久無。

消息鑑湖橋遠。禹陵花隔夢中。小梅吹笛。粵臺側。

雪翁初駐蠟屐。攜將鷓鴣詞筆。暗香千縷。戰退玉爐。

烟色不勝哀怨。那禁淒測。反催淚花偷滴。

瀟湘夜雨

喜孫韓若自梁溪來端

紅海團沙。白鵝藏水。

粵東有白鵝怪潛水中出則風雨多覆舟者

驚看棹

艤蜻蜓。蕉絲衫子得相迎。歸去采芙蓉正白。

去歲六月歸里

來處摘橄欖方青。官齋裏舊年絳帳。賸下鸚聲。

知

曾忘否。小卮酒罰。醉調詞麈。問惠山茶社。猶結泉亭。
君已返春申。古澗。余尚滯趙尉荒城。離愁重。淺寒做
雨。箐黑語猩猩。

天香

製萬壽怕香

偷得堪羞分。來最厭官方自購佳品。玉臼研冰。犀椎
敲麝。不用月床輕印。麝脂巧糝。內用油。麝脂少許。螺指內丸。

時微潤。金盒蠟衣護密。晶箱繡囊封緊。小爐獸灰

乍燼。壓銀窩蕙風吹嫩。更好屢添薇水。緩傳幽韻。暗

裏撲來一陣。總未見烟飄翠霞暈。似嗅珠娘檀腮膩。

粉。

月當廳 自餓

玉雪細犯梨花朵。柔香一翦。薰瘦鶯兒。可是粉消簾
罅。踏月開時。曾見阿蓮半面。印寒菱小。髻綰烏絲。弄
嬌甚。床頭燈燄。不許風吹。湘烟楚雨。雖拋捨。最難
忘。淚痕啼出。情詞料得。坐來禪榻。暗觸相思。移去帶
鴉。嫩柳怕逢伊。慣學小腰肢。還自餓。他生莫又翠癡
紅癡。

西江月慢 五月望月蝕

蕤賓令序盈十五。玉堦萸葉。避暑坐三更。夾他青漢。
繫牢團雪。恨劣。葦不惜幽輝。餓喉饒齒。玉規輕嚙問。
藥娥甚處逃藏。休鎖舊宮闕。嘆剩得無多金餅屑。
反似那初生一捻。只恐吞來全未吐。把蟾蜍光絕。幸
我是昔日吳剛。猶能持斧。灑伊妖血。好等待叢桂還
開。花萬疊。

望雲涯引 曉望山腰白雲

曙光微罩。錦峰石。玉屏樹。萬笏晴螺。嵐帽霧中飛去。
閒雲故意。只認山腰內。抱一縷。恰似青娥。有珠帶圍。

住。負烟蠻女。喜遮却。行時路。更有炊烟飄到。忽粘無數。待賦謠辭就。寄阿姥。不用尋師笑。問松根深處。

浪淘沙

啖荔子

帶露小囊丹。細擘冰丸。嫩香堆在水晶盤。一日只吞三百顆。不算能餐。願得借仙鬟。移種家山。何須去。擣蔗漿寒。若說啖多成病了。真個寒酸。

賀新郎

春夜有感

最惱蠻江月。把青光。無端又照。客窗如雪。索性登樓。將簾捲。騁目雲屏幾疊。料不敢遮。攔歸楫。打醒相思。

雙宿鳥。把鄉心細細和他說。吾共汝。滯南粵。醉來
大。叫。青。天。裂。更。何。堪。依。人。廡。下。壯。懷。銷。歇。且。去。摩。娑
芙。蓉。劍。一。道。虹。飛。古。鐵。被。山。鬼。吹。時。燈。滅。冉。冉。蘭。輶
來。素。女。訴。閨。中。粉。淚。啼。紅。頰。也。對。影。嘆。離。別。

過秦樓

霽後見月寄姜克猷

餞雨榕窓。接虹蕉院。溼翠粘空無定。鶯初喚夢。燕不
催眠。簇擁軟香幽徑。怪殺枝枝杏花。勒住餘寒。半山
催暝。喜多情又是。團冰新月。補來佳景。因記得。蜩
蝶才人。鴛鴦詞客。共賦螺江漁艇。與姜子同客晉安
爲余作螺江漁艇

圖共賦緣
意一闌

離卮吸淚別權分雲兩地堆愁千頃莫寫
烏絲寄懷添却因伊琴癡書病看相思紅豆雙蕤留
下粉天蟾影

夜半樂

閨中坐月聞隔院歌聲

碧榕影覆高閣半梳瘦月逗破雕窗罅正抹麗燈毬
暗香飄麝客中病起貪看夜色懶從孤枕癡眠小簾
高掛忽隔院紅烟燭光射是誰嫋嫋度曲一串鮫
珠玉盤齊瀉願風捲嬌音頻來書舍牡丹亭畔遙憐
舊日箇儂好夢難尋燕噴鶯啼却宛似佳人泣羅帕

猛記疇昔愛去徵歌粉塘花社可嘆繁華半凋謝
只餘得雙鬟。不管春風罵愁再聽幾闕霓裳罷斷腸
消息雲鬟下。

長相思

暮春送人之湘陰

酒別蠻雲衣辭瘴雨片帆又掛江天青交孔雀黃織

啼鶯桺條飛盡輕綿逸興翩翩愛輦垂虎齒劍舞龍

泉曾記事戎旃閃金衣親踏戈船料合樹牙旌宜

頒玉節不數鄧禹當年依然棲幕府共書生墨灑吟

箋屈子江邊知此去紅蘭正鮮問香風吹來可及花

田

玉女迎春慢

閨情

怕○是○春○愁○西○風○軟○捲○慢○忍○聽○鷓○鴒○白○褪○梅○梢○萬○片○綠○
到○焦○心○一○葉○濃○香○重○疊○又○負○了○踏○青○佳○節○裙○腰○驚○道○
因○甚○雲○時○消○瘦○紅○雪○埋○冤○萬○里○蠻○天○愚○雲○蠢○雨○不○
催○歸○楫○淚○落○羞○低○粉○面○顫○殺○釵○頭○金○蝶○小○箋○輕○褶○未○
寄○去○還○留○画○篋○可○惜○紗○幘○逗○入○隔○花○新○月○

惜黃花慢

曉起呂葑翁親摘木蘭花見貽

一○掬○新○妍○被○美○人○昔○日○借○却○名○傳○楚○臣○幽○佩○賺○來○樹○

上○燕○姬○巧○夢○掛○向○枝○邊○。藥○駝○恨○弗○將○伊○種○。喜○仙○客○頌○
下○瑤○天○。仔○細○看○。露○園○甲○溼○。烟○抱○房○圓○。濃○芳○細○挑○堪○
憐○。定○種○分○五○葉○。移○自○花○田○。翠○絲○輕○綴○。蠟○珠○簇○。麝○素○心○
暗○吐○。檀○粉○成○丸○。握○時○那○敢○。深○深○嗅○。恐○驚○破○雞○舌○。龍○涎○
如○義○山○。不○知○身○在○香○船○。

洞庭春色

聞周又康復至惠州倅幕

謝○朓○工○牋○。王○濛○善○檄○。合○在○幕○中○。想○憊○筭○。笋○嫩○。還○迎○遊○
展○。檳○榔○子○熟○。再○迂○吟○。筇○辭○却○。右○帆○菱○。數○畝○。喜○買○醉○羅○
浮○春○酒○濃○。惠州所造酒名羅浮春知○纔○到○。見○墻○榕○。九○碧○。街○荔○房○。

紅。端州去年握手。恨別緒。溝水西東。正索君蝶蘭。
画衣粉積。投余鸛硯。墨瀋膠融。悔殺三秋。虛浪跡尚。
未踏朱明千萬峰。煩因我。掃梅花。古屋香放晴空。

摸魚兒 憶紫芬五弟客瓊州

客中人最驚分別。離腸添上千縷。臘殘已是無多日。
忽到買愁村住。誰念汝。竟見了。海門惡浪魚龍舞。蠻
烟瘴雨。况草店呼燈。板橋貰酒。獨自換衣去。儋州
路。看足荷花紅霧。儋州荷花四季。俱開臘月最盛。星岩知爾回顧未。
經萬里天南郡。怎識丈夫豪舉。矜峽渡。須歸及上元。

共賞金膏炬。檳榔啖否。莫愛逐歌聲。柔情繫在。粵女
採香處。

歸朝歡 送圭海陳都督次伯北上謁選

蜃路孫恩銅弩設。鮫島田橫珠劍列。元戎纛引水犀
軍。鐵弓射破紅濤月。饒歌歌幾疊。孔璋健筆題瑤碣。
共伏波書功冊府。名姓在金闕。又自三山來百粵。
蠻雨繡磨雄劍血。須攜戰士逐西風。休隨幕客吟南
雪。鈴峽愁話別。黃梅細雨催蘭楫。迨歸來香濃庾嶺
同把驛花折。

八歸 江村

蘆○逃○水○面○蘋○遮○沙○嘴○榕○樹○曲○圍○牆○角○酒○旗○搖○影○人○烟○
密○指○點○瓦○盆○沾○處○色○嫩○堪○酌○更○見○屋○頭○山○露○出○掛○一○
道○寒○泉○噴○薄○偶○晒○網○驚○却○鴛○鴦○乍○起○又○還○落○年○少○
蠻○娘○幾○個○持○紗○浣○不○似○村○中○梳○掠○雞○豚○剛○散○漁○樵○相○
對○競○說○秋○江○風○惡○正○疎○林○日○晚○犬○吠○雲○帆○客○舟○泊○知○
應○是○香○粳○飯○熟○半○掩○柴○門○松○陰○歸○野○雀○

漢宮春 夜聽子規

月○洗○梧○江○放○一○痕○清○影○深○鎖○紅○蕉○餘○寒○欺○負○客○夢○風○

弄燈搖疎鐘聲裏。記春輝欲別花梢。曾去倩游絲着
力。罨他樓角。墻腰。誰識子規多事。把酸喉屢勸。佞
舌頻挑。訴言不如歸去。休學蓬飄。春原無主。便真心
拋撇青郊。央及煞東君相待。羈人也整蘭橈。

二郎神

新綠

落花萬點。正細逐半天紅霧。又幾個朝昏。雨催風勒。
都借垂楊嫩縷。漸覆青帷和烟密。怎辨得翠鳩梳羽。
知掩映綠珠。迷藏碧玉。蔚藍深處。穿去。小庭夜月。
痕如許。想襯貼荷錢。幫扶苔繡。不怕遙山競妒。瘦蝶

粉拈黃鸝衣凝白。排比晚春佳趣。還暗約金井桐圭。
快剪黛雲無數。

滿庭芳

山居

牆○貰○蘿○鬚○。瓦○交○松○甲○。新○成○斗○笠○書○軒○。青○山○相○愛○長○立○。
小○窓○前○分○付○桃○花○萬○朶○。洞○門○外○禁○住○漁○船○。支○茶○竈○待○
消○酒○渴○接○竹○引○寒○泉○。堪○憐○彈○指○處○。玉○津○弔○月○金○谷○。
啼○烟○想○軟○塵○千○丈○。不○及○酣○眠○。栗○鼠○來○偷○硯○水○。驚○幽○夢○
起○擘○湘○箋○。清○貧○好○。微○風○寄○贈○。堆○滿○是○榆○錢○。

白苧

聽歌長亭一摺

艇○珠○江○花○帷○酒○檻○鶯○燕○空○游○還○留○故○人○在○定○細○招○
鄰○牆○相○憶○交○州○指○點○梧○桐○院○是○墨○濤○醉○寫○同○付○歌○喉○
舊○事○不○堪○追○數○紅○雨○打○山○樓○待○藕○葉○秋○風○攜○琴○並○坐○
青○雀○舟○

向湖邊 浴端溪硯

柳○愛○吟○心○椒○驚○頌○格○早○喚○綠○眉○才○子○待○拂○烏○欄○寫○簪○
花○嬌○字○細○看○他○匣○貯○紅○絲○囊○韜○青○鐵○古○玩○不○禁○頻○試○
且○啓○鴛○鴦○是○端○州○巧○製○鳳○珠○鸚○睛○玉○骨○藏○雲○氣○正○
持○將○斑○管○厭○龍○賓○膠○漬○慣○學○顛○郎○溯○淮○河○親○洗○到○墨○

池水掬春葱。指松烟膩。怕濺一痕紅。袖裏却羨游魚。暗吞香波裏。

雙瑞蓮

贈岳將軍中標與新夫人偕來別築精舍

不厭紅蕉月。肯再鼓珠江。木蘭香檝。吹簫淑偶。同問鳳車雙蝶。別剪一壺新院。好位置劍囊琴匣。簾半揭。荔奴乍薦。龙冰堆雪。憶昔海國艤艫。把蜃路雲穿。魚門波躡。歸吟大樹。懶看繡龍旂。掣料得封侯年少。碧幢擁鷺歌重疊。垂紺髮。萬里玉符金節。

陽春

感舊

柳烟輕。桃風煖。爭占画橋紅翠。粧點已春濃。况復鶯
語十分脆。碧油車騎。曾認得雙扉佳麗。遠見天半飛
青。是秋千美人雲髻。愛白苧新歌聲。聲巧。擎玉醴
香前軟醉。蝦鬚明簾不下。放溶溶月漾燈穗。而今海
角半歲。念好景空成縈繫。總山色略似江東。奈恩情
早棄。

惜黃花

旅懷

空栽魚字。未傳雁使。夢魂中。覺依稀故園人至。風急
打蘋花。江淺沉菰米。好歲月浪游南紀。吹笙雲底。

載書船尾想他年築山齋隱居田里鷗集好爲朋鶴
到聊呼子也省却夢中愁起

紅羅襖

春閨

綠霧迷鵲日紅雨醉鶯天憶打馬樓心花沾衣上簾
錢墻角苔溜鞋邊溯分手剛是三年尋人明月到
床前有意笑孤眠道此夜夢裏見歸船

玉抱肚

閨情學楊補之體卽用原韻

床○憐○雙○坐○余○愁○孤○臥○儘○由○他○鏡○子○都○昏○懶○挑○蟬○髻○斜○
顰○總○埋○冤○渡○口○有○風○送○十○扇○蒲○帆○掛○征○舸○兩○人○淚○雨○

水面滴破。淹煎病。怎痊可。病也猶輕。傷心甚。窗中
影瘦。丟丟問誰個。見門兒乍啓。還重鎖。見葉兒乍飛。
還重墮。沒來由。忒小心窩。釀成愁海。實大。可能填麼。
總填得已。把良時早喚挫。想只想你。惡滋味也難過。
在客途。長憶我到章臺左。忘了誓語。合速去。問神祠
火。

解珮環

有懷

青娥遠隔。想粉紅簾捲。樓上吹笛。自入羊城。開到芙
蓉。不接春風消息。朝朝忍着真珠淚。也流將袞窩香

怪閣邊隱隱青山。學得雙眉顏色。入夜間思幽
夢。訝無情明月。故照窗隙。酒後歡多。扇底盟深。舊事
豈堪追憶。雲時相見。還無分。何況銀燈吹黑。怕重尋
門巷桃花。可是當年寒食。

玲瓏玉

閏六月七夕

盼到佳辰。喚烏鵲急去填橋。偷開織室。麝衣正換冰
綃。恨煞羲和惡劣。又閏將六月。擔悞今朝。魂消銀河
邊。珠淚暗拋。願得明年曆本。把秋期重置。兩度相
招。料想人間。枉穿針乞巧深宵。堪嗟黃楊逢厄。竟波

累○鶯○婚○鳳○嫁○也○犯○虛○囂○莫○埋○怨○勝○姮○娥○終○歲○寂○寥○

紫玉簫 題程耻夫画册

疊嶂藏雲飛岬遮日。冷香流出紅泉。千章怪木掃春
林空翠。爭結輕烟。草亭雙峙。人影裏剪破青天佳山
水。那知筆花蘸墨偷傳。程生最喜圖画。勞添箇吳

郎策杖危巔。黃山白嶽更相從。松徑一枕高眠。曉來
繙閱公鳳至。倒掛衣邊。何須愛城外亂峰。檻底平川

越溪春

憶凌家山桃花

昨○夜○疎○燈○催○好○夢○歸○去○看○桃○花○凌○家○山○畔○橫○橋○路○簇○

幾層細葢濃葩。絳霧天低。紅烟日小。赤水溪斜。劉
郎曾駐香車。鶯燕勸流霞。至今千里萬里。作客春風。
人面誰家。願得身如柳絮。隨心飛利天涯。

玉蝴蝶

鳳車羅浮蝶名也大徑尺身備五色雙眉長寸許秋時依樹作繭巨如鷄

卵色如沉香收貯至春日懸之枝上半月卽出頻鼓兩翅忽有大蝶來引之而去

自破仙人清夢。獨將佳種。巧孕羅浮。褐繭檀蛾纔化。
春色都偷。剪花衣紅侵金纈。縫繡翅黃沁銀毬。更風
流。香鬢猶軟。粉趾還柔。堪羞橘中蟲蛻。紙裏人收。
忍使翻飛。丹蕉開處。合相留。不須摹王孫圖上。休去。

羨美女釵頭語南州。莫將小扇。暗撲輕兜。已上選
未刻稿以下
選吹香

南歌子

山色晴還好。蟬聲夕未涼。蘭閨新浴理紅粧。笑請郎
君今夜暫分床。

前調

白日當杯瀉。黃河倒地流。錦帆一夜渡瓜州。回首鳳
城明月在紅樓。

憶王孫 美人樂甲

翠樓雨過曉生涼。鳳女花開滿曲廊。紅沁佳人玉甲香。怪周郎只說麻姑指爪長。

甘州子

鴉啼露井玉樓寒。梳綠髮。整青鬟。闌將蟋蟀凭闌干。桐子墮來圓。銀甲細剝與小姑看。

天仙子

霜落荆門烏臼樹。楚王宮殿知何處。舟人指點古陽臺。巫山女。曾行雨。十二峯高雲不去。

思帝鄉

登臺望人人未來。昨夜夜寒夜坐。溜金釵。今日貪看
歸客。清晨立翠苔。忘了珠簾不捲。燕飛回。

長相思

長相思。錦江曲。秦。棧。雪。深。壓。春。竹。杏。花。紅。梧。葉。綠。獵
火斷烟多。關城亂雲伏。可惜玉樓人。夜夜空床宿。

蝴蝶兒

錦樓東。又西風。燕飛井上啄殘紅。金卮誰與同。酒
病驚春瘦。花愁入鬢濃。羅衣耐得五更鐘。繡床明月
空。

沁溪沙

屬玉初飛破碧烟。臨江高閣白雲邊。風吹疎柳咽寒
蟬。青岸礙花公子騎。紅橋賣藕女郎船。夕陽鴉近
酒旗天。

前調

高閣鐘鳴枕簟空。舞衣歌串五更風。香消翠渚夢難
通。紫玉墳深芳草碧。綠珠樓敞亂花紅。酒醒多在
月明中。

前調

雨歇江虹山翠鮮。周娘明媚得人憐。晚來心緒只貪眠。雙腕低橫郎臂上。一燈愛近妾衣前。香嬌花倦畫樓邊。

點絳脣

昨夜

昨夜輕風。海棠紅到西施石屏山。一尺照見江南客。紫燕飛來。湘簾雙影尋消息。江聲急。暮雲亂積。人遠春帆碧。

占春芳

索香

却畫扇。還珠串。微笑向郎前。含口宜藏雞舌。薰衣須。

浸龍涎。覆火隔金錢。願書窻分蕙。殘烟博山爐上。
春風動。綠霧香天。

相思引 金陵感舊

珠殿金宮帝子家。春風腸斷石城鴉。蔣山明月曾照。
後庭花。人去臨春歌舞歇。紅燈飛入內人斜。舊遊。
何處。帆影一江沙。

洛陽春 獨宿

昨夜烏程微醉。獨眠香被。曉寒新換合歡衣。又染下。
相思淚。羞見天香生媚。春山消翠。總然三月便歸。

來想今夜如何睡

海棠春 夜坐

歸鴉啼散梧桐雨。驚白帝家家砧杵。羞上鬱金床。小坐屏風裡。燈花細結相思緒。照不到吳頭楚尾。抱影學郎來。弄月如郎語。

山花子

江影涵天羅月青。杜娘和冷立中庭。滿頰羞紅嬌不語。看春星。聽得喚眠伴。咳嗽避人滅燭。又消停。只說鄰家催繡枕。待三更。

前調

香嫩梅花卵色天。鶯聲細細弄江烟。算得榆關郎去
後。十三年。肩是夢來纔可竝。眉因縐去怕人憐。月
過短牆無一事。動秋千。

前調

芍藥香浮紫曲坊。錦鞭醉酒入珠房。鸚鵡幔中初識
面。半羞郎。鼓笛燭分鬟影細。弄花蝶愛舞裙香。自
悔今宵偏抱病。太猖狂。

前調

一寸眉山萬里愁。西風影動玉簾鉤。雲外寒梅江畔路。水東流。犀浦花開春雨岸。雁橋晴雪夕陽樓。不信今年二月後。少歸舟。

河賓神

綠雨鬱孤臺。江聲千丈飛來。小姑酌酒廟中回。親折官亭野梅。隔岸襄陽來估客。好問成都消息。只恐晚來風力。吹得雙帆去直。

柳稍春

秋望

陌上花驄。十年夢斷。漢苑秦宮。金馬門虛。銅駝草冷。

夕照秋空。當時太液芙蓉。回首處深紅淺紅。依舊
不堪。美人黃土。帝子青楓。

醉花陰 悔別

金屋風生垂玉露。天遠寒鴉樹。昨日未曾留。花外青
驄直到西村去。絡緯窓前啼不住。繡帶寬如許。非
是怨梧桐。只爲秋來引得瀟瀟雨。

前調 戲贈

乳燕一雙飛露井。綰髻新開鏡。嬈嬈出房來。生怕衣
香薰得愁人病。悄喚低頭佯不應。花動羅裙影。

小○會○風○流○先○要○植○郎○夢○到○巫○山○等○

減字南鄉子

夜懷

綠○到○芭○蕉○雪○點○楊○花○鶯○外○飄○偶○在○鴛○鴦○湖○上○立○吹○簫○
人○去○南○塘○第○五○橋○銀○漏○迢○遙○待○掩○蓉○屏○解○玉○絛○聞○
說○歸○來○三○月○半○今○朝○不○信○燈○前○抱○細○腰○

浪淘沙

重會

艇○子○渡○錢○塘○橘○柚○初○黃○歸○來○重○到○木○蘭○房○蝶○抱○鶯○勾○
多○少○事○悞○我○紅○粧○握○手○細○商○量○雙○袖○飄○香○燈○前○不○
肯○脫○羅○裳○只○說○玉○郎○消○瘦○甚○且○莫○輕○狂○

鷓鴣天

祁奕儀之昆明有贈

樽酒西風千點鴉。王孫杖劍遠辭家。帆開疎雨江潮
急。夢入寒燈驛路斜。愁作客。怨吹笳。青山送不到
天涯。願分諸葛營前月。來照西施廟口花。

前調

歌館

九曲溪邊翡翠舟。春山黛色入粧樓。櫻桃香淡人雙
笑。楊柳烟輕月一鉤。初握手。再梳頭。愛他端正又
風流。呼郎先向紅床宿。立在燈前半日羞。

虞美人

金陵

景陽宮樹胭脂井。玉輦寒花影。西風樓角鎖殘陽。回首夢中歌舞內家香。銀燈夜半秦淮雨。粉黛歸何處。江邊吹笛不堪聽。載得一船紅淚下金陵。

鵲橋仙 兩好

青蘋玉沼。碧梧金井。涼夜偷開魚鑰。年來原自不生。疎怎假意將他冷落。銅壺漏滴。銀燈花燦。帳底生。生輕薄。雙肩蓋好繡衾兒。莫又被寒風吹着。

前調 醉歸

鬢輕學霧。蛾纖比月。十四生成嫵媚。麝衾總是半床。

閒生受用。借卽同睡。花陰露冷。瑣窓人靜。盼得來
時。又醉和衣臥在石屏邊。執畫燭照伊一會。

前調 卽事

櫻桃村裡。海棠樓下。記起焚香時候。避人不敢。便敲
門。但去聽一聲咳嗽。紅亭非遠。紫騮何處。月帶春
風依舊。分明今夜宿西家。怎忍得便將儂咒。

前調 幽期

母纔扇戶。兒初斷乳。好赴巫雲雙夢。花稍月午。未經
紅。怕夜靜板橋霜重。洗將殘粉。梳成小髻。燈下愁。

郎身凍。妾家雖早卸紅裙。不敢把被兒先擁。

繫裙腰

偶憶

溪梅花出石橋新。細香亂撲東鄰。行來南嶺祠邊路。
避了遊人求籤罷。緩迴身。玉體倦生紅汗濕曲廊。
悄換羅裙。風吹衣褶纖腰露。想經消瘦。是前春。

踏莎行

雨花臺有感

錦石雲封。丹臺沙聚。遊人指點南朝路。而今俠客打
圍場。當年蕭帝聽經處。草沒銅駝。窓寒玉女。秋聲
一片傷心雨。惟餘遠寺佛樓燈。夜深半照宮門樹。

小重山

鳳○衾○龍○綃○秋○夜○長○西○宮○銅○漏○靜○幸○君○王○
半○車○不○肯○到○長○廊○珠○簾○內○紅○蠟○照○空○床○
昨○夜○唱○伊○涼○內○人○齊○賜○出○辟○寒○香○
犀○梳○斜○插○未○成○粧○梧○桐○月○只○去○近○昭○陽○

前調

烟○雨○金○陵○憶○至○尊○景○陽○鐘○漏○遠○不○堪○聞○
落○花○無○語○暗○銷○魂○香○風○散○鳳○輦○月○明○村○
玉○樹○幾○枝○存○鍾○山○青○萬○疊○易○黃○昏○
白○頭○謁○者○訴○君○恩○銅○駝○姝○尚○肯○立○官○門○

兩同心

春夜

斗帳剛垂。沉香初浸。喜小腰半卸紅裙。見玉手緩移
珊枕。又呼人剔了燈花。教郎先寢。城上三更漏鼓。
春寒太甚。不回頭媚眼。羞開假生嗔笑聲。難禁須記
得。昨日看梅。前朝催飲。

月上海棠

春閨

春紅飛入櫻桃樹。小屏山牙香新炷。白板橋頭。是前
宵送將歸去。頻執手。避却姪鬟低語。啼鴉背上松
溪雨。剪燈花好照。回時路。棋子敲殘。想誰家殷勤留
住。擁羅衾。怕有夢兒來處。

小桃紅 閒居

招隱開茅屋。桐覆紗窓綠。茶響風爐書藏木。閣鄰家
酒熟怪牆頭遮斷數峯青。却呼人刪竹。尚著秦時
服。懶賣成都卜。割肉歸妻烹雞供母。午時睡足。况山
中客到不披衣。好藤床留宿。

前調 怨情

天不將儂管。酒不將伊勸。怎不銷魂簾兒不掛。燈兒
不暗。恨錦帆不肯阻行人。使被窩不煖。花不開嬌
臉。柳不舒愁眼。明日不來。蛾眉不畫。羅衫不剪。嘆房

中不是不曾留。只郎心不轉。

傳言玉女

私約

風捲梅花。積就一園殘雪。善和坊裡。綰同心繡結。清
明不見。怪我人疎書缺。臉消香玉。鏡空菱月。重訪
虹窓。假生疎剛半歇。低頭無語。將金貌蓋。揭悄喚雙
鬟。隔著珠簾輕說。教郎等到夜深時節。

鳳凰臺上憶吹簫

懷遠

鳳女樓開。鮫人淚墮。文窓捲上湘簾。把陌頭柳色。蹙
在眉尖。不慣相思成病。到今日。事事都嫌。傷心甚。九

秋重九。三月初三。難堪。王孫去後。任帳掛蛛絲。地
繆花髯。歎山名思婦。草號宜男。懶記別時言語。但記
得。贈帕分簪。誰能學。輕帆風順。飛過江南。

滿庭芳
經倪大司農文正公舊第

華表鶴飛。鼎湖龍去。把酒誰奠孤忠。城南小路。烟鎖
夕陽紅。行到尚書故里。笙歌歇。亂草寒風。秦山外。數
聲杜宇。猶哭大司農。倪公。當昔日。穿池涵鏡。架石
成峯。更丹青臺榭。金碧房櫳。只有多情古樹。逢春晝
點綴。花濃。真難問。魂歸何處。來去大夫松。

念奴嬌 禹陵

夏王南狩。到會稽。夢斷五雲宮闕。天半翠華人去遠。
禁籞千官空列。龍氣飛松。雲香入殿。石壁江聲咽。雙
圭何處。星辰常護瑤碣。當日執簡臣堯。垂裳拜舜。
蒼水開功業。萬代山川。兵火後。尚識明禋禹穴。花鎖
玉衣泥封金簡。九鼎光明滅。精靈來往。鷓鴣呼起山
月。

齊天樂 鐵柱宮

南昌城外章江綠。來尋紫宮玄圃。閣峻三休。瓦開五

色窈窕。仙人靈府。朱龕高舉。見星斗蟠梁。風雷在戶。
舊蹟千年。斬蛇髣髴劍光吐。朝朝遊客。酹酒香烟
裏。無數。巒歌村鼓。翠鬢江妃。紅髯山鬼。月冷中流起。
舞神與夜渡。見金節鞭潮。玉衣驅霧。拜罷開舟。櫓聲
搖日午。

拜星月慢 賀金雪岫納姬

綠再呼珠。碧重聘玉。梅蕊借春時候。煖閣初開。見候
烟香瘦。喜今夜移得合歡青樹。種出相思紅豆。細看
雙鬢。怕金釵斜溜。護嬌憨。被錦輕輕覆。怪唐突。眉

柳○生○生○終○好○念○昔○日○瑤○姬○在○巫○峯○左○右○勸○才○人○莫○醉○
宜○城○酒○紗○窗○外○雁○影○傳○銀○漏○早○寫○將○桃○葉○新○歌○教○江○
南○竝○奏○

眉無 春宵

看○艷○花○迷○影○暖○月○吹○香○天○色○半○昏○暗○獨○坐○疎○簾○內○博○
山○火○爐○烟○低○裊○心○坎○青○燈○閃○閃○對○畫○圖○如○覩○嬌○臉○欲○
攜○手○笑○語○春○風○裡○怎○呼○下○朱○毬○悽○慘○流○光○在○苒○想○
杯○驚○弓○履○汗○漬○牙○簫○愁○殺○瓊○窓○女○枉○因○我○一○時○胸○瘦○
腰○減○落○梅○萬○點○却○爲○誰○珠○淚○紅○染○曾○聞○得○相○思○能○縮○

地○竟○無○驗○

十二時得書

爲伊行名兒都累。怎忍霎時拋棄。纔接得平安書紙。
寫出相思兩字。密句傳心。柔言訴恨。悄地生驚喜。還
再看一半荒唐。一半支吾。總是沒些情意。記去年
曾封遠信。今日欺人如此。便放燈前。思焚燭內。擲下
重收起。待歸時相會。持來好問詳細。出袖中。從頭
又讀。也有十分牽繫。強似隣家。果然薄倖。不把魚箋
寄。且答他小札。付將征雁千里。

多麗 秋思

萬山空。高城新咽涼蟬。一聲聲梧桐疎雨。西風吹做
秋天。玉驄啼醉中別路。寒鴉樹夢裡歸船。影瘦青燈。
香殘紅枕。錦江千里綠楊烟。恨征雁傳將書到。總是
不堪憐。剛半霎心腸又軟。去卜金錢。這些時正難
將息。低頭細憶當年。放銀箏。按花戲打。垂珠幔。擁被
羞眠。斑管藏嬌。翠屏封怨。至今絡緯泣冰絃。片片春
愁都化。淚流入海棠邊。無人問。昨宵蘿月猶近床前。

玉女搖仙佩 有訪

杏花溪曲訪得佳人住在晶簾珠屋。蝶粉浸衣雲香
堆髻。嫩頰削成紅玉。開鑑重粧束。道春來多病。懶施
膏沐。眼斜橫低低笑問。昨日紅箋曾寄銀鹿。怨離別
經時。楊柳都青。芭蕉盡綠。邀入池邊深閣。篆鼎焚
床。更列圖書幾軸。鱸薦江鱠。茶烹雪乳。翠袖擎將醺
醺見月明山谷。說今夜千萬屈。即同宿。况人靜。板橋
路滑。如何歸去。辟寒香。爇芙蓉褥。閉紗窗。自移銀燭。

鶯啼序 春閨

曉來綠楊風起。正寒生香閣。悄怪殺枕上鶯啼。桃花

滿院紅落。寶鑑初驚。眉峯淡。玉腰又訝羅襦薄。憶郎
去京洛。愁多不捲簾幕。青漆門邊。白粉屋下。乍黃
昏人約。恨雪。猶撲滅銀燈。一時遂鎖魚鑰。便皺到麝
衫。懶熨。總鬆盡珠鬟。羞掠把。即言教了。鸚哥。鸚哥不
學。前歡如昨。待拔金釵問卜。怕隣家知覺。又愁信
音錯。忽畫舫歸來。錦帳行樂。淚珠入酒。口脂在臂。雞
鳴依舊遊河朔。對鞦韆。分外添蕭索。夢酸魂惱。提起
舊日名兒。只罵布帆心惡。願繡金幢。禮佛銀針。閑
握離恨。天還難托。雖寄封書。誰識瘦如西陵銅雀。細

雨簷牙。晴雲樓角。料知病也無一事。看爐烟青裊。絲絲弱。休教月影穿窻笑。妾床空。怎生睡着。

毛大可奇齡曰。唐時溫韋稱才子。而韓柳李杜反

不與焉。以其獨能豔也。伯慆揆華披藻。豔才絕世。或以喁喁少之。予謂伯慆所歉者。非是也。伯慆世嬪勲爵。志在有爲。平原以不嗣。遂抗爲憾。康樂以宗袞未述。致慨其生平紆鬱。應自有在。若夫棄柔情而效莊語。非謝陸所難也。

周冰持

稚廉

曰。字字鏤金錯采。筆筆羞花閉月。想

其前身。必從玉皇香案謫來者。昔人言擲地作金石聲。以其能貴重不凡也。先生令慢能似之。

聶晉人先曰。吹香善學唐詞。故能一語之豔。令人
翫絕。一字之工。令人色飛。鳳車能兼草窻白石
之長。不獨以寫麗揉香。爭新競巧。見其皮毛。庶
乎能讀先生詞也。